

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK

MINISTARSTVO OBRAZOVANJA,
ZNANOSTI, MLADIH, KULTURE I SPORTA
MINISTARSTVO OBRAZOVANJA,
NAUKE, MLADIH, KULTURE I SPORTA



CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobspk@bih.net.ba, mozks@sbk-ksb.gov.ba

Broj: 03-34-63/25-19

Travnik, 27. 1.2025. godine

Na osnovu člana 28. Pravilnika o ocjenjivanju, napredovanju i stjecanju statusa učitelja, nastavnika, profesora i stručnog saradnika u osnovnim i srednjim školama (*Službene novine Srednjobosanskog kantona*, broj: 7/21, 4/22 i 6/23), ministar Ministarstva obrazovanja, nauke, mladih, kulture i sporta, donosi:

RJEŠENJE

o stjecanju zvanja

I.

Amra Mirojević, magistar informatike, iz Mješovite srednje škole "Gimnazija" Bugojno, stječe

ZVANJE NASTAVNIK MENTOR

II.

Nastavnik iz tačke I. ovoga Rješenja **stječe**, u skladu s članom 29. Pravilnika o ocjenjivanju, napredovanju i stjecanju statusa učitelja, nastavnika, profesora i stručnog saradnika u osnovnim i srednjim školama (*Službene novine Srednjobosanskog kantona*, broj: 7/21, 4/22 i 6/23) (u daljnjem tekstu Pravilnik), **zvanje nastavnik mentor na razdoblje od četiri godine**, a počevši od 1. 1. 2023. godine.

Nastavnik i stručni saradnik koji je promoviran u zvanje nastavnik mentor u obvezi je obavljati poslove i zadatke sukladno odredbama člana 30. Pravilnika.

III.

Stjecanjem zvanja mentor, nastavnik iz tačke 1. ovoga Rješenja, ima pravo na povećanje plate sukladno odredbama ovoga Pravilnika i člana 15. i 58. Kolektivnog ugovora za djelatnost srednjeg školstva u Srednjobosanskom kantonu (*Službene novine SBK*, broj: 5/23 i 6/23).

IV.

Ovo Rješenje stupa na snagu danom donošenja.

O b r a z l o ž e n j e

U skladu sa odredbama člana 24. i 25. Pravilnika Mješovite srednje škole "Gimnazija" Bugojno, uz ličnu saglasnost i na traženje nastavnika/stručnog saradnika iz tačke I. ovoga rješenja, aktom broj: 02-1-705/22 od 27.6.2022. god., pokrenula je postupak stjecanja zvanja nastavnika/stručnog saradnika i Ministarstvu obrazovanja, nauke, mladih, kulture i sporta SBK (u daljnjem tekstu: Ministarstvo) dostavila dokumentaciju koju čine: prijedlog za napredovanje/stjecanje statusa (Obrazac 4 - O4), radni životopis nastavnika/stručnog saradnika kao i ocjene rada nastavnika i stručnog saradnika, točnije

Obrazac 1 - NP ili SS, Obrazac 2 - O2 i Obrazac 3 - O3, te dokazi koji se odnose na izvannastavni stručni rad nastavnika/stručnog saradnika, kao jednog od tri elementa ocjenjivanja i vrednovanja.

Temeljem odredbi Pravilnika Povjerenstvo za imenovanja u zvanja za srednje škole koje nastavni plan i program realiziraju na bosanskom jeziku (imenovano Rješenjem broj:03-34-1226/24-4 od 13.9.2024. godine) (u daljnjem tekstu: Povjerenstvo) utvrdilo je kompletnost i pravovrijanost dostavljene dokumentacije za napredovanje nastavnika/stručnih saradnika od strane svih srednjih škola koje nastavni plan i program realiziraju na bosanskom jeziku u Srednjobosanskom kantonu.

Naime, oslanjajući se na Zapisnike Povjerenstva iz augusta 2022. godine (broj: 03-34-716/22-13 od 25.8.2022. godine), Zapisnike posebnog Povjerenstva za kontrolu, osiguranje kvalitete i objektivnosti u procesu imenovanja u zvanja (broj: 03-34-716/22-13-2 od 31.5.2023. godine), kao i pojedinačne Zapisnike Povjerenstva iz septembra 2023. godine (broj: 03/24 od 23.9.2023. godine), predmetno Povjerenstvo još jednom pregledalo je svu dokumentaciju vodeći se isključivo odrednicama Pravilnika i Smjernicama za vrednovanje izvannastavnog stručnog rada kao elementa za ocjenjivanje i vrednovanje stručnosti te kvalitete rada nastavnika i stručnog saradnika u osnovnim i srednjim školama (akt Ministarstva broj: 03-38-sl/22 od 11.5.2022.god).

Nakon završenog uvida, predmetno Povjerenstvo; utvrdilo je kako nastavnica Amra Mirojević ima potrebne godine radnog iskustva, redovito stručno usavršavanje, minimalno ocjenu "izvrstan" iz uspješnosti nastavnika u neposrednom odgojno-obrazovnom radu s učenicima i postignuto najmanje 16 bodova iz izvannastavnog stručnog rada, te sukladno odredbama stava 1. člana 27. Pravilnika, predlože imenovanje nastavnice Amre Mirojević u zvanje nastavnik mentor (Zapisnik broj: 03-34-1226/24-3-2 od 2.11.2024. godine).

Nastavniku iz tačke 1. ova Rješenja, sukladno odredbama člana 36. Pravilnika, stečeno zvanje traje četiri godine i može ponovno steći isto ili više zvanje. Ako nastavnik ne ispunjava svoje obaveze propisane članom 30. Pravilnika ili ima izrečene disciplinske mjere ili je u postupku utvrđivanja odgovornosti utvrđeno teže kršenje radnih dužnosti, gubi stečeno zvanje.

Na temelju odredbi člana 15. i 58. Kolektivnog ugovora za djelatnost srednjeg školstva u Srednjobosanskom kantonu (Službene novine SBK, broj: 5/23 i 6/23), nastavnik/stručni saradnik koji je stekao zvanje nastavnik mentor prelazi u III. platni razred. Imenovani nastavnik ima pravo na retroaktivno isplatu počevši od 1.1.2023. godine, a uzimajući za utvrđivanje razlike plate osnovicu koja je važila u tom periodu.

Pouka o pravnom lijeku:

Protiv ova Rješenja može se uložiti žalba Ministarstvu u roku od 8 dana od dana primitka.

